

北洋官報

目錄

宮門抄
上諭
交旨
奏議○法部奉核議熱河命盜詞訟案件考核功過章程
摺△東管錫等奏穆通成例請補各員缺摺△又奏鑄
州大浚河牧廠升科地糧請改歸鑄府經費摺
公牘○督憲札二件△北段警局照道票一件△河南南
陽府稟一件△四川黃州判稟一件
文告五則△電報八則△新聞十五則
彙編○南洋勸業會出品分類細目

本局第一百九期法政學報現已出版

宮門抄

七月十一日 農工商部 郵傳部 正藍旗值日 開缺荊州副都統隆斌到京請 安 喬樹枏假滿請

安 岐公續假十日 榮公續假五日 召見軍機 農工商部遞封奏二件 郵傳部遞封奏三件

上諭

七月十一日內閣奉

上諭雲南昭通府知府員缺著達春補授欽此

交旨

七月十一日 軍機大臣欽奉

諭旨農工商部奏司員巡歷南洋各埠彙陳大概情形並籌議應辦事宜一摺知道了又片奏本屆京察保列一等

員外郎王大貞現已到部銷差咨明吏部補行帶領引見等語知道了欽此

諭旨郵傳部奏議覆都察院代奏道員張光照條陳交通事宜一摺知道了又奏請分別改獎洋員寶星一摺著照所請外務部知道單併發又奏接收輪船招商局日期一摺知道了欽此

奏議錄要

法部會奏核議熱河府州縣命盜詞訟案件考核文武各員功過章程摺

奏爲遵 旨議奏事內閣抄出熱河都統廷杰奏整頓府州縣命盜詞訟案件謹擬考核文武各員功過暫行章程一摺光緒三十四年十二月二十四日奉 旨該部議奏單併發欽此並據該都統抄錄原奏分咨到部臣等查閱原奏內稱吏治以刑名爲先務刑名以命盜爲大宗命案自相驗以至招解皆有例限卽以能否依限辦理爲承審官功過盜案應責成地方巡防綠營捕盜營認真緝捕當以獲盜遲速多寡爲承緝文武官功過至地方詞訟尤與百姓身家性命相關查有四川督臣趙爾巽前在山西護撫任內奏定清理詞訟日記冊最爲簡當業經通飭熱河府州縣實力奉行茲擬命案功過章程六條盜案功過章程八條連詞訟日記冊原章均札行熱河道督飭清訟局委員分立功過簿逐案登註年終三項彙核分別功過等因臣等竊維吏治之純疵關係民生之休戚故欲保衛民生必先自整頓吏治始欲整頓吏治必先自清理獄訟始獄訟之緣起非一最重者則莫如命盜而其遷延不結拖累無辜足以蕩小民之身家飽胥吏之谿壑者亦莫如命盜例載斷獄捕亡各門立法何等嚴密該地文武各官如果關心民瘼自應實力奉行無如積習相沿例文徒設一獄之成招一案之被獲少或逾歲多則累年坐使吏治日墜民生日敝推尋其故類由於斯方今百度維新若仍聽此不肖官吏玩愒相安將何以立憲政之始基重生民之託命該都統所奏係爲整飭地方起見除清理詞訟日記冊業經陞任山西撫臣趙爾巽奏准通行毋庸再議外臣等謹就單開各條逐加查核其命案章程六條始相驗終解審盜案章程八條起會勘訖捕拿仍以能否依限審擬及獲盜遲速多寡爲承審承緝文武各官功過殿最旣分舉劾斯判所擬條目均可見諸施行至文武各官應得獎叙贖應議處分吏部查向來各省命盜等案該督撫將未獲犯之承緝各官按限開叅臣部卽照定例分別住俸罰俸降留降調議以應得處分如有獲犯請獎到部臣部亦卽照定例按其擬定之罪名核其名數之多寡扣

明年月彙分首從分別議以應得之獎叙至緊要傷痕不行全報分防地面疏防失事招解錯誤收禁疏虞以及相驗諭勸通稟承審遲延各處分例文具載久經查議辦理在案此次該都統所擬命盜功過暫行章程各條日考月計不憚詳求足補例文所未備然第自嚴功過固爲考成之明徵更當明示勸懲咸守 國家之成例擬請 旨飭下熱河都統將所屬一切命盜議叙議處之案援照各省專咨報部臣等督飭司員查例核議彙案具奏以期一律其武職各官應將獎叙暨議處分陸軍部查各省承審命案承緝盜案武職各員向由各該省開具應叙應議職名咨部核辦此次熱河都統所擬命案章程六條盜案章程八條臣等逐條詳加查核其於承審承緝叙功議過之處考核尙屬詳明嗣後該處承審承緝武職各員自應准照單開各條核明功過將應叙應議職名分別咨部臣部將該員等應得獎叙暨議處分仍照例章核辦庶於案件既易清結於考核亦臻周密再此次既經釐訂專章嗣後每屆年終應令該都統將熱河所屬承辦命盜案文武各官有無應叙應議職名摘具事由報部查核並分咨吏部陸軍部照章核辦該都統又稱熱河蒙民交涉之案居多蒙古人証全恃該蒙旗早爲傳送方能依限審結等語理藩部查熱河關提卓索圖昭烏達兩盟人犯定例如遇命盜重案逾限一月以上暨三個月者將蒙古押解官並該管扎薩克等分別革職議罰其尋常案件遞減科斷此次該都統整頓命盜詞訟案件以蒙民交涉之案居多一切關提飭傳自不容稍有延緩應即申明定例遇有交涉蒙民案件倘解送遲延照例叅辦以期速結而免拖累以上各條均經臣等公同商酌尙屬允協應請 旨飭下熱河都統認真舉辦並嚴飭所屬切實奉行以重民生而澄吏治如蒙 俞允卽由臣部行文該都統遵照辦理所有臣等會同核議緣由謹恭摺具陳伏乞 皇上聖鑒再此摺係法部主稿因往返會商未能依限具奏合併聲明謹 奏宣統元年七月初六日奉 旨依議欽此

東三省總督錫良奉天巡撫程德全奏援案變通成例請補各廳州縣員缺摺

奏爲援案變通成例請補各廳州縣員缺以資治理恭摺仰祈 聖鑒事竊照奉省各廳州縣員缺歷由前任將軍督臣奏請變通補署均奉 旨允准在案查改設行省以來地方各項新政或已植有始基或須詳加擘畫牧令事繁責重措置倍覺爲難矧地當強鄰之衝各處均有交涉事件隨機因應今昔異宜非慎簡賢員尤無以收得

人之效臣等到任後於各廳州縣缺分之繁簡候補人員才具之短長迭經詢事考言詳加體察已能得其梗概應請將懸缺待人之處酌量擬補以裨地方查奉省尚有法庫廳同知錦西盤山等廳通判義州甯遠等州知州本溪錦縣靖安遼中臨江安東寬甸柳河廣甯海城等縣知縣懸缺未補亟應爲地擇人按照缺分衡量人才取其銜缺尙屬相當者分別奏請試署補授以專職守而斷治安其有出缺在前到省在後者委因奉省分發候補人員合例者較少不得不援案變通補署謹將各缺擬補人員出具切實考語繕單彙陳合無仰懇 天恩俯准分別試署補授實於吏治有裨如蒙 兪允其有應行送部引 見人員仍俟該員等經手事竣再行陸續給咨送部補行引 見以符定章所有援案變通補署各廳州縣員缺緣由理合恭摺具陳伏乞

皇上聖鑒訓示謹 奏宣統元年七月初六日奉 硃批著照所請吏部知道單併發欽此

又奏錦州大凌河牧廠陸科地糧請改歸錦州府經徵歸入民地奏銷造報摺

奏爲錦州大凌河牧廠陸科地糧請自宣統元年起改歸錦州府經徵歸入民地奏銷造報以專責成恭摺仰祈 聖鑒事竊查奉省錦州大凌河地方舊有牧廠一處光緒二十七年間經前將軍增祺奏設局丈放交價陸科計共丈放地五十二萬一千九百七十五畝零五釐六毫零三忽每年額徵正銀一萬三千二百三十二兩八錢六分零六毫三絲九忽三微耗銀四千七百零六兩零八分二釐四毫二絲三忽此項地糧向由錦州副都統經徵按年彙入旗地考成案內報部上年經前任督臣徐世昌等奏准將錦州副都統裁撤並將光緒二十四年分應徵前項糧銀飭由旗務司暫行派員經徵當經該司派委科員文順前往繳收各在案惟查經徵錢糧本係地方官之責從無監司衙門委員徵收錢糧之例且大凌河牧廠陸科地畝遠在錦州花戶散處四鄉若由省城委員前往徵收亦屬鞭長莫及所有此項地糧應自宣統元年起改歸錦州府知府就近經徵歸入民地奏銷案內造報並飭旗務司原派經徵委員迅將光緒三十四年分糧銀催完解庫造具考成清冊呈送報部一面造冊移交錦州府接管以專責成據度支司核議呈請奏咨前來臣等覆查東省歷次丈放各項旗地並裁撤旗署經管地畝均係改歸民署徵收此項牧廠陸科地糧前飭旗務司派員經徵本係一時權宜辦法現在旗務司已經奏裁應自宣統元年起將該處陸科地糧改歸錦州府知府經徵歸入民地奏銷造報以免紛歧除咨部立案並分飭遵照外理合恭摺具陳伏

乞

皇上聖鑒飭部立案施行謹 奏宣統元年七月初六日奉

硃批該部知道欽此

公牘錄要

督憲端准郵傳部咨札飭各屬加意設防護永定沿河一帶鐵路文

爲札飭事宣統元年六月二十六日准 郵傳部咨照得京奉鐵路局與永定河沿流附近歷年夏秋之交雨水陡發鐵路倒塌堪虞疊經 前任北洋大臣飭屬嚴加防範是以沿河安堵鐵路亦大有裨益近日直屬各處山水漲發時有所聞各處堤工時虞出險沿河鐵路恐致受其波累茲據京奉鐵路局稟請轉咨前來相應咨行 貴督查照希即飭屬加意設防護以順水勢而資保衛可也等因到本大臣准此除分行外合行札飭札到該司道即便轉飭各屬加意設防護以資保衛此札

督憲端准津浦鐵路徐沈兩大臣咨接收津浦鐵路關防日期札飭司道查照文

爲札飭事准 督辦幫辦津浦鐵路大臣郵傳部正堂徐右堂沈咨宣統元年六月十七日奉 上諭呂海寰著開去督辦津浦鐵路大臣著改派徐世昌督辦津浦鐵路事務並著派沈雲沛幫辦欽此欽遵於本月十八日准前督辦津浦鐵路大臣尙書呂備文將督辦津浦鐵路大臣關防一顆派員齎送前來本大臣卽於是日接收開用除咨覆外相應咨會 貴督查照等因到本大臣准此除分行外合行札飭札到即便轉飭鐵路經過各州縣一體查照此札

總辦天津北段巡警熙道鈺稟請開去造幣津廠習藝所會辦兩差文並批

敬稟者竊職道前以員外郎蒙 前憲台袁咨調北洋委充北洋銀元局幫辦旋蒙保歸道員嗣因銀元局改爲造幣北分廠仍派充該廠會辦三十四年蒙 前憲台楊札委會辦習藝所宣統元年蒙委兼辦鐵工廠職道才識庸闇一身兼任深懼不勝四月間又蒙札委總辦天津北段巡警總局查北段巡警事務殷繁更有不能兼顧之勢與其備員充數致貽誤於將來何如責實循名得早免於疚戾查鐵工廠係屬兼辦月支津貼夫馬五十兩至職道會辦造幣津廠月支薪水二百兩習藝所月支薪水一百兩爲數較鉅擬求 憲恩將職道造幣津廠會辦習藝所會

辦二差一併開去俾得專心整理北段警務庶可踴勉從公逐漸改良以期仰答 鴻施於萬一臨穎不勝悚惶待命之至專肅寸稟敬叩 崇安伏乞 垂鑒

督憲端 批據稟該道請將造幣津廠習藝所會辦二差一併開去俾得專心警務等情具見該道實事求是無利祿之見自應准如所請以成其志所有北段警務事宜應由該道切實整頓以期日有起色除分行外仰即遵照 繳

河南南陽府稟調查局奉到統計表說日期暨有疑義請示祇遵文

敬稟者宣統元年四月三十日奉憲台札發民政財政統計表式各二分每分一冊又填表凡例一紙原奏例要解說一部飭即遵照辦理務將發去各件詳細閱看逐項清查依限據實填報仍將文到日期報查等因蒙此查統計事屬創始端緒紛繁現奉頒發例要解說兩項表式及報告凡例並前奉調查細則十二條綱舉目張有所遵循不致茫無措手惟期限兩月極爲迫促設立統計處不但籌款弗易而委員能勝斯任者尤屬不可多得要政所關曷敢稍事諉延自應悉心籌畫慎選妥員迅速辦理第查表式首列宣統年月日統計委員報告字樣應即查填委員銜名而表面應否填寫各主管衙門如卑郡即寫南陽府呈寫於某處方爲合式是否蓋印書銜或於統計委員上加寫某衙門未奉明示又查民政統計表式解說第四項下內稱貴州廣西等省新設各府均有自轄地方是以一併開列似表內所稱府廳州縣指管轄地方而言卑郡無管轄地方且有附郭之南陽縣除卑府衙門主管事項應遵照填表凡隸州縣主管各事似卑府毋庸再行填註以省繁牘而財政解說第二項下內稱有先以一縣爲表合而爲府再合爲省填表送查字樣似府中又須彙填總表止此期限兩月各州縣調查報告已不免異常忙迫勢難令其再行縮短若俟報告彙填非寬展限期恐致貽誤抑所稱以一縣爲表合府合省係指憲局彙核詳咨省統府府統縣次序辦法而府填府表縣填縣表不必由府彙填總表逕自申送權限未明不敢臆爲解釋除趕緊遵飭籌設統計處遵派調查委員另行稟報外所有奉到表說日期暨有疑義情形理合具稟大人鑒核迅賜批示祇遵實爲公便

四川試用州判黃滌凡稟謹擬擴充川銅條陳文並批

敬稟者四川本產銅之區史冊豔稱在在可考近來各省鼓鑄銅幣需銅甚多他省無論已考之川省每年造幣廠鑄化銅劬約二百餘萬劬其數不爲不鉅矣而川銅不敷多向外洋購運非不知金銀外溢實爲一大漏卮因初鑄無從設法暫爲權宜目前之應用亦迫於不得已者也今不急爲擴充本地銅鑛力求抵制後患更甚於幣政深有厝火積薪之憂其何以維持國計而塞漏卮茲將川銅利弊一切情形縷晰陳之查川銅產地彭縣也榮經也洪雅也天全也雷波也甯遠也茲數處者現皆辦有成效銅質亦屬合用惟來者寥寥難以敷濟豈鑛產有限天地菁英將竭絕歟於此有以知其故矣川民開鑛向無大資本家不過百金數十金湊成一二千金即行開辦無論苗引暢旺蘊蓄豐富與否即開掘有得而銷路疲滯成本積壓商民皆望而色沮川鑛中途歇業咸坐此弊其川銅之不能旺者一也省廠鼓鑄銅幣收買土銅商人視爲一大銷場而搬運到省不能直接銷售須先報知鑛政局備文移送過造幣廠考驗成色驗後合用復移知鑛政局定價文牘往返動輒經旬商人守候坐糜旅費成本因之加重一有虧折則相視爲畏途裹足不前其川銅之不能旺者二也其最窒礙鑛業者莫甚於官督商辦設一官局則近局開辦商鑛皆其屬隸所採銅劬悉歸官局收買抑勒價值折算斤重層層剝削商人獲鑛產交官局則無利轉銅他處局中謂爲私銅一經查出不特全數充公抑且另議罰款商民坐困改業者多從事者少其川銅之不能旺者三也又有重山疊嶺橫亘孔道古稱天險者也凡產銅之地通水者少一經本處解銅或轉運至數百里千里以外負挑陸送動則逾月跋山踰嶺行之維艱則夫價重商民無從生法時虞虧累遂歇厥業其川銅之不能旺者四也有此四病致使開鑛商民事事煩難處處阻礙不徒無利而又有害此銅鑛之所以日蹙也又考之購買洋銅無論漏卮之有關國計即盤運抵省其不便者不止一端如湘鄂皖贛下江等處輪船往返猶易爲力川省隔絕遼遠由宜至省但僱民船又皆泝流一購洋銅其運費浩大難以屈指計也况保險有費運局有費押運委員又有費而猶其小者也川河一帶節節皆灘雇船上駛動經數月惟春冬之際行之較易而又水淺石出處處撥載大費周折此一不便也且盤運上省衝波逆流已是煩難况又險灘暗石淺沙急湍風信失時難保無虞一經大意則沉失在所時有投珠於淵深爲可惜縱使打撈全獲不無折耗况猶不能此二不便也有此兩不便則洋銅之不利於川省者自無疑義而且內失利權外長漏卮通盤計算害已顯見與其外輸失權仍是繁難何如內不惜費次第擴充且大利

在後收效尤遠何礙此一時之支絀而失國家川省久遠之利也其擴充之法維何一定價值以昭商信也除彭縣係蜀廠自辦無庸議給定價外其餘榮經洪雅瓜別天全越嶲雷波屏山等處無論官辦商辦概以銅質之高下定價銀之低昂十成淨銅給價銀若干兩九成若干兩八成若干兩懸格以求優量而予利之所在人必爭趨則商鑛之倡辦日以盛一准直接以樂民從也商人售銅徑交蜀廠驗色隨到隨驗立付價銀惟給予收銅發價票據使投交礦政局備查而道路遠者另獎給夫價以示鼓勵則來路之銷售日以暢如是則川銅自擴充不待上之設法也將來礦產發達不徒川省大獲其益即湘鄂下江一帶來購於此綿綿不絕其收回利權塞盡漏卮功利何可一時計也此擴充川銅之實利情形也肅稟恭請 鈞安伏惟垂鑒

川督趙 批川省造幣已經主張專用川銅所言川銅不旺四因亦自有見然銷路之疲滯由於成本太昂成本太昂由於採鍊笨拙輸運艱難至解銅來省現改由勸業道尅日派員帶同交廠無須守候糜費設局督辦豈官之利因礦商借支銅本不能無人經理礦地僻遠廠工良莠不齊無人鈐束易滋事端耳然即使採鍊得法而運道之難爲川礦第一阻礙此非人力一時所能爲也所言擴充二法尙非本源之論定價收買固云便商如商銅不來或來不足用其將停工以待乎抑加價招徠乎恐商未見其利而廠已受困矣本督部堂迭經飭道召集專門學問之員爲之妥籌採鍊新法正所以謀擴充也仍候將條陳鈔發道廠閱看此批

文告錄要

藩台牌示○完縣東楊各莊村正附生鄒連山等具稟周國鏞等霸廟地不交 此項廟地既經學界諸紳會同議定均分常莊村周國鏞等何得再行爭執候札飭該縣迅速秉公妥爲理結具報爾等即回籍候理可也

臬台批示錄要○試用直隸州判劉斌條陳改良裁判辦法懇請批示由 批據稟改良審判慨乎言之殊見關心民瘼勤求吏治深爲可嘉現在審判事宜方與在事諸人商籌改良所陳各節可備採擇仰即知照繳

保定商務總會牌示○啓者本會勸賑甘省旱災業經粘貼報告茲將六月二十八日至七月初三日所有代收諸善士捐款數目開列於下 計收到 陳寶田銀洋四十元 魁盛警園銀洋三十元 范清廉銀洋二元 劉毓淇銀洋一元 唐門李氏銀洋十元 德昌茶店錢二十元 同泰和錢一千元 裕豐茶店錢一千元 大

順茶店錢一千元 新盛茶店錢一千元 祥興號錢一千元 德生隆錢一千元
天津縣董事會開預備立憲紀念會公啓○敬啓者自光緒三十二年七月十三日頒布預備立憲 諭旨歷

年屆期辦理開會以誌紀念茲仍於本月十三日下午二鐘在東門外襖子胡同議事會會場開第四次紀念會
敬告我津紳商士庶學界同人屆期蒞會共抒慶幸之忱是爲至盼

附錄天津官事○考查各省海軍大臣洵貝勒薩軍門前日由京到津暫駐中州會館一日即於昨早七點鐘乘坐
專車起節赴塘沽換輪南下

電報錄要

路透電○德國納爾德意智輪船公司之船士利森號在曼德威的歐港與南美洲阿甘廷國快艇哥命布亞號相
撞哥命布亞號沉沒溺斃二三百人婦孺居多士利森號亦受傷漏水

又電○美國農務議員美爾氏現到英國利物浦并擬往巴徒穆地方然後由該處啓程至中國西藏新疆考查植
物聞美氏此次遊歷係爲尋覓合宜之植物帶回美國

又電○據駐土京訪員報告土國駐他國公使均電致土皇謂列強對於查溫尼德克之政策甚不滿意
柏林電○聞土皇與俄皇相會後即往俄京回拜俄皇

又電○土國致列強函云現在克里德島交涉已有了結之望請列強籌辦該島自治問題并願土國對於馬其頓
有自由行政之權

又電○美國新簡駐華公使克蘭氏擬先經過歐洲乘坐西比利亞火車至滿洲一遊然後赴北京接任
又電○俄皇與義王相會時義王之岳曼德尼葛魯國親王亦與相會

新政紀聞

政治

浙省電詢選舉議長事○憲政編查館接浙撫電稱浙江複選報竣前已肅電奉聞茲據諮議局籌辦處稟查局章
三十四條凡召集開會應於三十日前由議長將本屬開會應議事件豫行通知議員惟此次並無原設之議長

若待至九月會期始行互選其會期以前免其主持一切之人難行準備又按照第十條第四十五條第五十一條第五十二條互選細則議事規則旁聽規則及辦事處辦事細則均由諮議局自定書記長書記亦係由議長選派凡此非準備於前亦恐礙會期之成立可否提前召集議員到齊後准照第十條第二項投票僅舉假定議長二人副議長二人以便準備以上各項俟定九月會期再行正式互選似於同章無礙等情乞核明電示以便飭遵當即電覆云蒸電悉諮議局提前召集議員選舉假定議長先期準備事屬可行應按照局章三十三條以督撫之命令召集臨時會即照第十條第三項投票選舉假定議長一人副議長二人暫行提前按章準備俟九月會期再行正式互選此覆

粵省電詢議員資格事○憲政編查館接吉撫電稱洪據諮議局籌辦處案呈吉林府複選區被選議員內有已革道員松毓案查貴館覆南京藩台敬電乙項云參革職官惟所有中學畢業及生員以上出身一併革除至其他項資格不在此限查松毓雖在省辦理公益多年而其案係保持學務破壞政權等字樣未知與公務成績資格有無相犯可否援照覆南京電辦理按公務成績資格准其當選之處恭候鈞裁電示以便轉飭遵照當即電覆云備電悉該革員參案既有保持學務等字樣即係局章第六條所指營私武斷自應照章削除被選舉權此覆

粵省電詢法政事宜○憲政編查館接護粵督電稱據諮議局籌辦處稟稱案選舉章程第九十四條凡選舉訴訟事件所有訟費等項悉照通行章程辦理等語查修律大臣前訂之刑民事訴訟法與法部擬訂各級審判廳章程內之訟費各條本微有參差粵省審判廳甫在籌辦訴訟律之典照鈞館籌備事宜清單尙待宣統三年核訂五年頒布七年實行所謂通行章程係指何項應如何援照辦理方合又第二十五條選舉人名冊確定後並由督撫咨報民政部等語查粵省選舉人名冊均繳齊到處共計六百餘冊一律覆加審正惟是否將全冊申請咨送抑祇將確定事由及人名總數咨報均祈電請鈞館示覆等由謹據情轉達乞核示當即電覆云效電悉民刑訴訟律現由修律大臣重行修訂頒布尙須時日法部所擬訂各級審判廳章程現據法部咨稱奉天等省業已試辦各省自可援照辦理作爲暫時通行章程至咨報選舉人名冊一節查選章並無應行咨送全冊明文

自應將確定事由及人名總數咨報該部以免繁累希即轉飭遵照

外 交

頒賞外國教員寶星○外務部現將奉

旨賞給大學堂外國教員賈士靈等八員寶星執照製備齊全咨送學

部轉發該員等祇領矣

通飭保護遊歷外人○督憲准外務部咨英人敖伯禮赴承德府辦礦請飭地方官保護等因又據津海關道呈英

商郝愛爾赴直隸內蒙古游歷又印商阿克把赴直隸張家口甘肅山西陝西游歷各等情已分飭所屬照約保

護矣

學 務

稅務學堂考試日期○京師稅務學堂現招考二班新生三十六名凡年在十六歲至二十二歲爲合格其程度須

中學畢業定於七月二十三二十四日錄考八月初一日正考其考試各科係漢文論書札英文譯漢漢文譯英

及文法作文地理數學代數幾何各科

限制游日官費學生○學部新章曾經通飭各省令將游日官費學生定額以後私費游學生考入官立各校卽行

改作官費河南學司調查本省現在留日官費學生共有五十一名每名每年給日幣四百元共二萬零四百元

惟河南財政支絀實屬無款徧及若不改給官費又非提倡遊學之意因定一酌中辦法將官費定額作爲二十

五名嗣後凡額出至二十五名以內方補官費若在二十五名額外則概不補給云

女學師範監督委人○鄂省前擬開辦高等女師範學堂已經勘定停辦高等小學爲校舍現高文宗查有模範初

等小學堂校長馮開濬前曾辦理啓秀女學及南洋京旗女校特委充女師範監督責成佈置一切以便開辦

軍 政

禁衛軍擬設隨營學堂○禁衛軍各大臣會議擬在 禁衛軍中設立隨營學堂一處以宏造就

札飭籌補陸軍餉項○浙省釐餉總局日前奉浙撫札開照得浙省新軍因財政支絀創練以來僅成步隊四營練

兵爲自強要圖雖餉力困難亦不能不勉爲籌措以植一鎮之基礎前經飭令參議官會同兵備處暨協統悉心

核議就原有底餉與新籌之款合計共得若干先練混成一協以爲將來擴充地步茲據該參議等查明原有底餉十五萬新籌鹽務項下約得二十五萬合共約銀四十萬就此數目計算混成一協所短尙鉅擬稍事變通就款徵兵先將步隊兩標徵足外添練砲工各兩隊馬隊一隊軍樂半隊所需餉項撙節開支尙可勉強支持惟新籌鹽務之抵稅加價項下每年本省約得銀十三萬兩原議全數撥作新軍之用以符奏案旋知本省籌解甌杭甬鐵路虧耗已先就此款提撥以致此款每年短絀銀三萬兩所有此項短絀及不敷之數須由釐餉局設法籌補方資敷用並將規定編制常年經費預算表冊呈請察核立案前來本部院查表內所列混成協應需常年經費實無可再減核與本省原有之餉所差無多自應立案照辦其有提撥之款及不敷銀兩事關練兵要政該局應仰體時艱力任其難務須設法照數籌補以重軍需

財政

請改清理財政局章程○安徽清理財政局奏定章程會辦以下各員常川駐局即係承啓樞紐之員查安省奏設清理財政局派委各員有提調幫辦等名目紛歧錯雜實與原章未合刻經度支部咨請皖撫將該局提調各員按照定章酌改相當之差俾歸畫一並令該局將辦事細則從速釐訂報部查核

飭議抵補土膏撥款○鄂督陳夔帥准督辦土藥統稅大臣咨開鄂省撥款原供賠款要需向以收繳稅單執照爲憑前經度支部奏准月撥銀七萬兩歷經如數撥解在案惟現據宜昌局電稟近數月來收數短絀推原其故皆由開辦牌照捐商人因與部章不合相戒裹足此後定難暢旺即現撥之款挪移牽算不敷甚鉅事關賠款應如何辦理之處必需預爲籌畫免致掣肘等因刻聞已札藩司會同善後司禁煙公所迅速核議詳覆以憑核咨

路礦

考驗留學鐵道生○留日本學生周協和等原係習鐵路學近經駐日分使咨送到部呈驗文憑並請派員考試經郵傳部批飭該部顧問官詹觀察天佑定期考驗俟考驗畢再赴部考試漢文以定去取云

派員調查煤礦公司○農工商部現奏派專員赴魯省中興煤礦公司調查一切以憑酌撥官股妥擬辦法提議確礦改歸官辦○奉天遼陽確礦向歸商人包辦設場收買現因省城改歸官辦日前該州奉發告示略云確

礦關係軍火前歸商辦迄無成效自應改歸官辦省城設立總局營口設立分局並派員將從前商場事宜收回由公家自行收買以杜私販而免漏稅

五關於鋼板之機械器具及方法

六關於謄寫板(眞筆鋼筆糖印)之機械器具及方法

七關於複寫板之機械器具及方法

第三十八類 印刷

一印刷鈔票聯單郵票等之特用器具及方法

二各種印刷樣本

三關於各版之印刷方法及注意事項

四裁紙器械

五關於裝訂包裝之用具及方法

第四部 經濟

第一門普通事業之組織資本額管理法及成績

第三十九類 獨建事業

第四十類 合同事業

第四十一類 公司事業

第二門交通事業之組織資本額管理法及成績

第四十二類 鐵路

第四十三類 航業

第四十四類 郵政

第四十五類 電報

第四十六類 運輸

第三門金融事業之組織資本額管理法及成績

第四十七類 普通銀行

第四十八類 貯蓄銀行

第四十九類 勸業銀行

第五十類 興業銀行

第五十一類 大清銀行交通銀行

第五十二類 官錢局票號錢莊兌換店

第五十三類 公估局

第四門保險事業之組織資本額管理法及成績(附備荒辦法及成績)

第五十四類 人壽保險

第五十五類 火災保險

第五十六類 運輸保險

第五十七類 雜保險

第五十八類 積穀倉

第五門商業公共機關之組織調查錄及成績

第五十九類 商會

第六十類 興信所

第六十一類 票據交換所

第六門勞動政策

第六十二類 職工雇傭法及管理法

第六十三類 勞働者雇傭法及管理法

第六十四類 同盟罷工之處置及豫防法

商務印書館出版各書上海總發行所

中外政法要書

議員必讀

嚴又陵先生譯著

欽定大清會典十冊 一元二角

憲政大綱 三冊 三角

欽定大清會典及事例百六十五冊 一元二角

各省諮議局章程彙釋四冊 四角

大清光緒新法令十冊 一元

各省諮議局章程彙釋四冊 四角

列國政要十冊 一元

諮議局章程須知三編 三角五分

漢譯日本法規大全八冊 一元

地方自治章程通釋 三角

漢譯日本六法全書一冊 一元

地方自治章程通釋 三角

警察講義錄十四冊 一元

地方自治章程通釋 三角

各種彩色地圖 四冊 一元二角

日本富井政章 民法原論 一元二角

大清帝國全圖一冊 一元

日本清水澄 行政法各論 一元二角

大清帝國暗射圖二冊 一元

日本土子金四郎 國債論 一元四角

大甲種四元半 乙種四元 丙種一元八角

日本淺山雅男 統計通論 一元四角

大甲種三元半 乙種三元 丙種一元二角

日本黑田日明治學制沿革史 五角

大甲種二元半 乙種二元 丙種一元

日本小泉又一 歐美教育實際 一元二角

大甲種二元 乙種一元五角 丙種八角

日本黑田日明治學制沿革史 五角

大甲種一元五角 乙種一元 丙種八角

日本黑田日明治學制沿革史 五角

大甲種一元 乙種八角 丙種五角

日本黑田日明治學制沿革史 五角

大甲種八角 乙種五角 丙種三角

日本黑田日明治學制沿革史 五角

天津分館開設河北大胡同電話五百二十六號

本局印售各種書籍圖畫目錄

澄衷學堂字課圖說
 天文歌略
 地理歌略
 地球語言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算數教科書
 初等小學算術科書教授法
 忠經
 英文舉隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 一本洋二角五分
 一本洋四角五分
 一本洋三角二分
 一本洋一元二分
 二本洋一元五角
 二本洋三角四分
 二本洋三角六分
 合售洋三角六分
 一本洋紙洋五分
 一本洋二角五分
 一本洋二角五分
 一本洋五角
 二本洋四角
 二本洋三角五分
 二本洋四角
 二本洋一元二角
 二本洋四角
 二本洋四角
 一本洋紙洋七角五分
 一本洋四角
 二本洋二角五分
 一本洋紙洋四角
 一本洋紙洋三角五分
 一本洋紙洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明東待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 全年學報彙編
 農學叢書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 一本洋三角五分
 二本洋四角
 二本洋六角
 一本洋二角
 一本洋五分
 一本洋一角五分
 一本洋一角五分
 一本洋一角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志華海參崴等處均設立有年諸班貨物由外洋本機器廠自造磁鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鐘文坐卦等鐘以及金銀夾金銅鋼等表約有二百餘宗並各樣表練金鑽珠寶

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇厚呢京廣什貨俱全貨高價廉劃一不後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 礮化屏風鏡額 磁銅料器磁藍 奇巧美術玩器 學界文房用品 旋行携帶等件 精工鑲身物料 定織各色呢氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇旱乾即成凶祲現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛亂逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上 朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑官無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請 朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賑房代收掣取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人 劉恩渠 吳國蕃
贊成人 胡家祐 郭漢章
蘇景昌 戴元樹 蕭祖懋
徐嘉璩

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧願加獎
 譽茲為推廣招徠起
 見自本年承印各
 項價格外減讓以
 副官商雅意如蒙
 賜顧請至本局賬
 房面議可也

賣字助賑諸君請看

敬啟者鄙人因甘省荒旱異常凄慘萬狀竊聞紳商醫界後願效綿力
 仿照上年江北水災賣字助賑辦法計以三月為限所得潤資全數充賑
 旬日以來頗蒙社會所歡迎茲因發起伊始各處相繼賜件沓來紛至
 應付不遑鄙人作嫁依人日無瞬息於應盡責任內又不敢稍有放棄致
 負天職惟念甘省災區甚廣此次潤格又極從廉若不稍事變通移緩就
 急恐一經限滿則收件雖多而集資無幾似不足以濟要需而副厚望
 茲承諸同志忠告囑將潤格重行改訂略為酌增以期有濟即由六月二
 十一日實行先擬試辦一月查看情形為何再為續辦以符原訂三個月
 期限所得潤資儘行助賑如蒙賜件請仍送交北馬路華勝燭皂公司
 或舊北門內永泰合洋貨舖及舊東門內冰窖胡同瑞恆錢局代為交收
 庶不致悞潤資先付七日取件茲將酌減潤格列下以供衆覽幸垂
 諒焉

七言楹聯一元八角
 四尺挑山一元二角
 四尺屏幅四扇一元二角
 八扇五角
 密股不書
 名戳一角
 連號兩角
 不在單者另議

章武順連城謹啓

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五

以上均按四號字起碼加寬行數照所佔面積計算
 登錄商標刻工另議

三號字加半倍 二號字加一倍